

柳選四家醫案

江陰柳氏醫學叢書之七

評選環溪草堂醫案三卷

環溪草堂醫案三卷梁溪王旭臯先生所著也先生名泰林字旭臯世爲無錫人嘉道間有以瘍醫馳名江浙者曰高錦亭先生著有外科心得集景岳方歌括等書行世卽旭臯先生之舅氏也高先生歿後先生傳其業其始先以瘍醫行遠後求治者日益多寢及内科無不應手奏效於是遂專以内科行門下士習業者每年以十數計先生讀書上自軒岐下迄國朝諸家無不精心貫串於古

書則研求故訓於後人書則必分別疑似所著有  
西溪書屋夜話錄醫方歌括串解及環溪草堂醫  
案諸書均未梓行其醫案爲門弟子隨時鈔錄未  
經分別去取不免繁複者多余所得見者益有五  
六本詳略互異因屬及門諸子刪其繁亂重爲鈔  
輯最後得王家橋顧君蓮卿本係先生晚年之作  
又得方君畊霞新刊本案甚繁富頗有方案足取  
而爲他本所未載者一并補錄簡其精粹分爲三  
卷間有未盡之意隨加按語以闡明之閱一年而  
竣事先生居錫城去余家不百里余弱冠時猶及

見之吾鄉有疑難證無不求治於先生者先生必  
沈思渺慮疏方與之厥後或效或否或有無力再  
往者先生必訪悉之令其再診以竟厥功故其所  
存方案無不光堅響切無模糊影響之談蓋較近  
賢之專以靈變取巧者不啻上下牀之別矣先生  
博極羣書所用諸法如治小兒喘嗽之藥棗從葛  
可久之白鳳丹化出治上熱下寒之八味丸用紫  
雪爲衣從喻西昌外廓之論悟出若此之類不勝  
枚舉是皆因古法而變化出之彼胸無古書者每  
讀之而猝難領會余於此等處均爲一一指出學

者苟能卽是而得讀書用古之法焉則庶乎不負  
先生之苦心也夫光緒二十六年重陽日江陰柳  
寶詒謹識

評選環溪草堂醫案上卷

江陰柳氏醫學叢書之七

無錫王泰林旭高著

江陰柳寶詒穀孫選評

及門諸子 參校

內傷雜病門

○病將一載。肝氣橫逆而不平。中氣久虛而不振。惟肝逆。故胸脘阻塞而攻衝。惟中虛。故營衛不和而寒熱。凡大便溏。飲食少。右脈細。左脈弦。是其證也。四君子合逍遙加左金。是其治也。

黨參 冬朮 陳皮 茯苓 歸身 神麴

白芍 柴胡鹽水炒 香附鹽水炒 川連吳萸炒 穀芽

玫瑰花

詒按案語爽朗方亦的當擬再加沉香鬱金。

再診 陽虛惡寒陰虛發熱脾虛則便溏而乏力木旺則膀胱而氣塞前方補中泄木肝氣已平合以益火生土氣血雙補。

黨參 冬朮 蔓荳 白芍 鹿角霜 杞子 木香

菟絲子 歸身 白芍 陳皮 茯苓 杜仲

砂仁 玫瑰花

詒按肝氣平後續用培補。是一定層次。惟既有寒

熱見證似可參用桂枝建中之意以利之。

○三焦相火。挾肝陽而上升。每日侵晨。則氣自腑左而上衝。心胸痞塞。自覺胸中熱。舌尖辣。面色紅。過午則氣漸下降。至夜則安。而火降則下。或遺泄。此皆無形之火爲患也。推其原始。由乎陰虛。今則相火妄行。蒸鍊胃液成痰。所以吐痰黏膩。灰黑而咽嗌。胃管之間。常覺不流利也。法當清相火。導虛陽而下歸竈室。更佐以化痰鎮逆。病來已久。難期速效。

黃柏鹽水炒一錢桂心三分砂仁炒三分蛤殼兩分甘草三分  
知母鹽水炒二錢川連鹽水炒四分茯苓元精石三錢

長流水煎

詒按此方取交濟封髓之法。用意極爲精到。惟病因肝腎不攝。虛陽浮逆。擬再加牡蠣龜板以攝下。旋覆竹茹以清上。似於病情更爲周匝。

○痰之標在肺胃。痰之本在脾腎。腎虛則水泛。脾虛則溼聚。二者均釀痰之本也。經曰。脾惡溼。腎惡燥。脾胃兩虛。法當滋燥兼行。而痰懲肺胃。又宜標本同治。

熟地 茅朮芝蔴炒 陳皮 川貝 茯苓 半夏

紫苑

詒按案語斟酌病機。切實不泛。用藥亦絲絲入籤。

○用黑地黃法。以兩補脾腎。合二陳以和胃。苑貝  
以利肺。藥品無多。而層層都到。非有簡鍊工夫。不  
能作此。

○凡藏邪惟虛則受之。而實則不受。惟實者能傳。而虛  
則不傳。仲景云。肝病實脾。治肝邪之盛也。內經云。肝病  
緩中。治肝體之虛也。此證肝氣有餘。肝血不足。法宜兩  
顧爲得。

歸身 白芍 沙苑 杞子 冬朮 茯神

青皮 陳皮 香附 金鉛子 砂仁

詒按。議論確鑿。非胸中有古書者不能道。方亦精

到。○方中歸芍杞苑所以養肝血。青陳香鈴所以疏肝氣。藥品看似平常。用意恰已周到。

○腎水不足。君火上炎。相火下熾。心中如燔。舌光如柿。陽事易舉。陰精易泄。擬清君火。以制相火。益腎陰。以制肝陽。所慮酷熱炎蒸。恐藥力無權。將亢陽爲害。而增劇耳。

川連鹽水炒黃芩 黃柏 阿膠 生地 甘草

雞子黃

另大黃

三錢研末。將雞子一個破頭納大黃三分。蒸熟每日

服一個

再診 投苦鹹寒。堅陰降火。以制亢陽。心中之燔灼。與舌色之光紅。俱減三分之二。然上午之身熱如燎者未退。幸納食頗增。苦寒可進。再望轉機爲妙。

川黃連 阿膠 生地 元精石 黃芩 甘草

元參 蛤殼 雞子黃

三診 舌乾紅。知飢善納。水虧陽亢。土燥於中。鹹苦堅陰之劑。雖衰其燔亢之勢。而未能盡除其焰。時當炎暑。溼熱與相火蒸騰。擬複入清中固下。祛溼之法。仍不出鹹苦之例。

洋參 石膏 知母 甘草 夢冬 川連

阿膠 生地 蛤殼 黃柏 猪膽汁丸每朝服三錢

詒按君相交燔腎陰被灼所謂一水不能勝二火此證是也僅與壯水猶難勝任必得苦以泄之鹹以制之而火乃退更得苦以堅之鹹以滋之而陰乃復

○營陰虛則氣火易升。肝木橫則脾土受侮。腹滿頭暉。肝脾之病耳。鳴喉燥虛火之愆。陰虛生內熱。腎虛故腰痛。擬補陰潛陽扶土抑木法。

生地砂仁炒四兩茯苓烘三兩山藥炒三兩萸肉酒炒三兩

丹皮酒炒三兩澤瀉炒三兩龜板炙三兩沙苑鹽水炒

黨參炒三兩

杜仲鹽水炒三兩

歸身酒炒三兩

白芍炒三兩

石决明兩

眼四

白芍兩

白芍兩

右藥爲末。煉蜜打和爲丸。曬乾泛上後藥。

香附三分一兩鹽水炒一分

醋炒一分蜜水炒

陳皮七錢神曲一兩

右藥爲末。用橘葉湯泛上前丸爲衣。

詒接以補藥爲丸。而以和氣之藥末。泛上爲衣。與  
喻嘉言藥川外廓之意相合。雖無精義可取。而心  
思靈巧。可備一格。

○夜涼晝熱。熱在上午。此東垣所謂勞倦傷脾之證也。  
上午熱屬氣虛。用補中益氣湯。補氣升陽。

補中益氣湯。加神麴 茯苓

詒按。論證立方。如開門見山。心目俱朗。

○泄爲脾病。嘔爲胃病。脾胃屬土。居中而司升降。脾宜升不升。則泄。胃宜降不降。則嘔。土衰則木橫。木橫而土益衰。高年當此。頗慮土敗木賊。古人治肝當先實脾。况茲土弱。尤當先補其中。稍佐平肝可也。

理中湯 加茯苓 橘餅

詒按。案詒理明詞達。方法切實不浮。但既有嘔惡。

見證則半夏似不可少。擬再加木瓜白芍砂仁。  
○有時驚悸，有時肌肉頑木。或一日溏泄數次，或數日  
一大便而堅乾。惟小便常紅。此心氣鬱結，脾氣失運。失  
運則生溼。鬱結則聚火。火則傷津。溼則阻氣。而氣機不  
利矣。擬荆公妙香散加味。以補益心脾。

山藥 洋參 黃耆 茯神 赤苓 桔梗  
炙草 遠志 磨香 珠砂 木香 川連  
麥冬

右藥爲末。用藿香陳皮湯泛丸。每服三錢。開水送下。  
詒按：專主心脾立論。思路精確。

○血不養心則心悸。少寐。胃有寒飲則嘔吐清水。虛火  
燉金則咽痛。肝木乘中則腹脹。此時調劑最難熨貼。蓋  
補養心血之藥多嫌其滯。清降虛火之藥又恐其滋。欲  
除胃寒慮其溫燥劫液。欲平肝木恐其克伐耗氣。今仿  
胡治居士法專治其胃。以胃爲氣血之鄉。土爲萬物之  
母。一舉而三善備焉。請試服之。

黨參　冬朮　茯苓　半夏　棗仁　扁豆  
陳皮　山藥　秫米

詒按於無可措手中尋出養胃一法自屬扼要之  
圖擬再加木瓜白芍以和肝竹茹麥冬以清肺似

更周匝。

○骨格瘦小。先天元氣不足。夏秋寒熱。至今不已。脈細數弱。氣血兩虧。頭不痛而但身痛。或口沃清水。此胃陽虛憊也。當商溫補。倣東垣法。

黨參

茯苓

陳皮

桂枝

柴胡

黃耆

半夏

神麌

當歸

乾薑

砂仁

詒按少陽生氣被鬱。故寒熱不已。東垣升陽益胃法。用之恰合。加乾薑者。助胃陽也。

再診 前方補中益胃。溫衛氣。開腠理。諸恙皆減。仍依前法。

前方去神麃乾薑加白朮 白芍

○衛氣虛則洒洒惡寒。營氣虛則蒸蒸發熱。營衛並出中焦。總以脾胃爲主。補脾胃則金有所恃。不必治肝而肝自馴矣。

黨參  
白芍  
冬朮  
陳皮  
當歸  
玫瑰花  
川貝  
黃耆  
茯苓

詒按爲虛損證探原立論方亦精到。

○營陰內虧。頭眩心嘈。下午微寒。內熱能食無力。胃中有熱則消穀。脾虛氣弱則無力也。

黨參 沙苑 茯苓 川連 崇仁 知母

女貞子 白芍 冬北 麥冬 竹茹

詒按此虛損初萌之候。因脾虛氣弱。未便滋補耳。  
○左脈空大。腎水虧也。倦怠無力。脾氣弱也。食少則陰  
虛。陰虛生內熱。證屬內傷。

補中益氣湯加黑山梔 白芍

另六味丸每朝服四錢

詒按補中益氣補脾氣。六味補腎陰。立法頗切實。  
惟左脈空大。方中升柴兩味。尙宜斟酌耳。

○思慮傷脾之營。勞碌傷脾之氣。歸脾湯補脾之營也。  
補中益氣湯補脾之氣也。今將二方併合服之。

黨參

黃耆

冬朮

茯神

歸身

炙甘草

砂仁

棗仁

升麻

柴胡

木香

半夏

陳皮

詒按。同是脾病。而病原用藥。確有氣營之別。一經

指點。便覺頭頭是道。

○腎氣虛逆。非滋不納。脾弱運遲。滋則呆滯。然則如何而可。曰。補腎之陽。即可以轉運脾氣。從仲景腎氣丸化裁。

熟地

附子三分炒

五味子

茯苓

山藥

肉桂心

麥冬

元米炒

牛膝

鹽水

山萸肉

陳皮

紫石英

補骨脂

鹽水炒

胡桃肉

詒按補腎即可以補脾益火以生土也用腎氣丸恰合

○久病之軀去冬常患火升交春木旺肝膽陽升無制  
倏忽寒熱頭面紅腫延及四肢熾熱癢痛殆卽所謂游  
火游風之類歟匝月以來腫勢已減四五日前偶然偶  
體傷風遂增欬嗽音啞痰多口乾舌白復發寒熱胃氣  
從此不醒元氣愈覺難支風火交煽痰濁復甚陰津消  
涸陽不潛藏此時清火養陰計非不善抑恐滋則礙脾  
化痰扶正勢所必需又恐燥則傷液立法但取其輕靈

用藥先求其無過。

北沙參 知母 鮮生地 蛤殼 海浮石

蟬衣 豆卷 青果 海蟇 地栗 百合

另珠粉

朝晨用  
燕窩  
湯送下三分

原註右方金匱百合知母地黃湯合本事神效雪羹。取其清火化痰。不傷脾胃。生津養液。不礙痰溼。酌古參今歸於平正。

詒按議病用藥均歸精細。躁心人不能領取也。

中風門

○兩手關脈皆見一粒厥厥動搖之象。此土虛木勝。內

風動躍之候也。左半肢體麻木不仁，頭眩面麻，病屬偏枯，慮延仆中。

首烏 當歸 白芍 茯苓 陳皮 秦艽

菊花 天麻 石決明 鈎鈎 刺蒺藜

桑枝

再診 動搖之脈大減，內風有暗熄之機。左手屈伸稍安，左足麻木未和，擬補腎生肝爲治本之計。

地黃飲子

地山萸解旋桂附麥冬蘆去桂附五味菖蒲遠志茯巴戟東

詒按：未雨綢繆，故易於奏效。兩方用藥，亦能與病機宛轉相赴。

○體肥多溼。性躁多火。十年前小產血崩。血去則陰虧而火亢。肝風暗動。筋絡失養。已非一日。去秋伏暑後變三瘡瘍。久營衛偏虛。遂致風痰擾絡。右半肢體麻痺。而爲偏廢之象。調理漸愈。今但右足麻辣熱痛。痛自足大指而起。顯係肝經血虛失養。據云。腿膝常冷。足骱常熱。此非足骱有火。而腿膝有寒也。想由溼火乘虛下注。故痛處覺熱。而腿膝氣血不足。則覺寒耳。至於左脰外廉。皮肉之內。結核如棉子。發作則痛甚。此屬筋箭。是風痰瘀血交凝。入絡而成。與右足之熱痛麻辣不同。今且先治其右足。

生地

阿膠

五加皮

歸身

木瓜

天麻

冬朮

獨活

絲瓜絡

牛膝

茯苓

草薢

詒按論頗明透方亦不穩。

○年已六旬。腎肝精血衰微。內風痰涎走絡。右偏手足無力。舌強言澁。類中之根萌也。溫補精血。兼化痰涎。冀免偏枯之累。然非易事也。耐心調理爲宜。

旋覆

巴戟

茯神

木瓜

半夏

枸杞

鹽水炒

遠志

甘草湯

海風藤

茱萸

酒炒

牛膝

杜仲

鹽水炒

詒按此與下條均因有類中之萌。作未雨綢繆之計。故用藥力求平穩。不敢喜事以邀功也。

○腎藏精而主骨。肝藏血而主筋。腎肝精血衰微。筋骨自多空隙。溼熱痰涎乘虛入絡。右偏手足無力。舌根牽強。類中之根溫補精血。宣通經絡。兼化痰涎。守服不懈。加以靜養。庶幾卻病延年。

蓴蓉 獨參元米 牛膝 半夏 杞子鹽水炒  
陳皮 繢斷 茯苓 巴戟 桑枝

又丸方

蓴蓉二兩酒煮爛搗入 黍參三兩元米炒熟地四兩砂仁末陳  
麥冬二兩去心元米炒 豆仁三兩炒研巴戟三兩鹽歸身二兩  
草薢三兩炒 首烏四兩製炒茯神三兩牛膝三兩鹽水炒半夏二兩

天冬

二兩去心  
元米炒

陳皮

二兩杜仲

三兩鹽水炒

虎骨

三兩鹽水炒

菖蒲

一兩杞子

四兩鹽水炒

右藥各選道地，如法製炒，其研細末，用竹瀝四兩，薑汁三兩，搗入，再將白蜜爲丸，如黍米大，用磁器裝好，每朝服五錢，開水送下。

腰痺門

○先天不足，骨髓空虛，常以後天滋補，栽培脾胃，脾胃得補，溼熱壅滯，形體驟然充壯，而舌本牽強，兩足痿軟，不能行走，上盛下虛，病屬痿躄，經云：溼熱不攘，大筋軟短，小筋弛長，軟短爲拘，弛長爲痿，是也。今擬法補先天。

之精氣。強筋壯骨。以治其下。扶後天之脾胃。運化溼熱。以治其中。然必耐心久服。確守弗懈。庶克獲效。倘朝秦而暮楚。恐難許收功也。

熟地

四錢附子三分煎汁炒

茯苓

三錢牛膝一錢鹽水炒

桑枝

一錢水炒

黃柏

一錢薑汁炒

虎脰骨

炙三分錢川斷酒炒

巴戟

三錢水炒

黃柏

一錢薑汁炒

蒼朮

五分草薢二錢水炒

竹瀝

二十匙

薑汁

一匙

另洗方

獨活

三錢當歸五錢紅花一錢陳酒糟二兩

豬後腳骨

二兩

雙

葱白頭

三個煎湯日洗一次

詒按此等證本難奏效。其立方仍從丹溪虎潛法。

加味用藥固未嘗不切當也。

○伏熱留於肺胃。胃熱則消穀易飢。肺熱則覺疫難行。熱氣熏於胸中。故內熱不已。延今半載。節屆春分。天氣暴熱。病加不寐。據述先前舌苔黃黑。今則舌心乾紅。其陰更傷。仿仲景意。用甘寒法。

生地

三錢

知母

一錢五分

茯神

三錢

棗仁

一錢五分

夢冬

二錢

滑石

三錢

夜合花

五錢

沙參

三錢

百合

一兩

泉水

煎服

詒按金匱百合病篇。有以百合配知母。地黃。滑石等法。此方卽用其意。

再診 經云。肺熱葉焦。則生痿躄。前方清心肺而退熱。

已能起牀步履，但夜不安寐，是腎氣不交於心陰虛陽亢故也。清金麗水取坎填離爲治。

生地 天冬 麥冬 聚仁 山藥 元參  
沙參 洋參 百合

另虎潛丸

三錢

詒按經云肺熱葉焦則生瘧。又云治瘧必取陽明經訓昭然守此二語治法不外是矣。

三診 陰虛未復，夜寐未安，熱退不清，仍宜養陰。自云腹中微微擗痛，此屬中虛，治當補益脾陰，兼清心肺之熱。

生地

沙參

洋參

山藥

麥冬

棗仁

薏米

茯神

甘草

白芍

赤芍

百合

另歸脾丸

○冷雨淋背於先。竭力鼓棹於後。勞碌入房。挾雜於中。病起身熱。欬嗽。至今四十餘日。痰氣腥臭。飲食能進。卧牀不起。形肉消脫。是肺先受邪。而復傷其陰也。經云。陰虛者陽必湊之。肺熱葉焦。則生瘡痏。又云。一損損於肺皮。聚毛落。至骨痿不能起牀者死。合經旨而互參之。分明棘手重證矣。

沙參

柴苑

茯苓

地骨皮

川貝

玉竹

薏仁

另入仙長壽丸

四錢

再診 肺爲水原。百脈朝宗於肺。猶衆水朝宗於海也。  
肺熱葉焦。則津液不能灌輸於經脈。而爲痿躄。卧牀不  
能行動。形肉消削。欬嗽痰臭。舌紅無苔。脈細而數。是皆  
津液消耗。燥火內灼之象。考經論治痿獨取陽明者。以  
陽明主潤宗筋。胃爲氣血之源耳。今擬生胃津以供於  
肺。仿西昌喻氏意。

沙參 阿膠 杏仁 甘草 元參 火麻仁  
天冬 麥冬 玉竹 狐苓 桑葉 枇杷葉

詒按議病立刀內經痿論之旨。

三診 投清燥救肺法。病情稍安。仍宗前制。

桑葉 杏仁 麥冬 川貝 百合 元精石

阿膠 沙參 元參 枇杷葉 野葛白根

○長齋廿載。精血久枯。大雨淋身。溼侵入骨。腿股痠重。不能舉動。法以宣通關節。佐以養血生津。

麻黃 蒼朮 白芷 當歸 川芎 白芍

防風 熟地桂枝 獨活 牛膝 桑枝

詒按此從陽和湯增減。因係溼邪。故加蒼朮。

○風寒溼三氣。伏留於骨。骨節痠痛。自冬而起。所謂骨

痺也。骨痺不已，內舍於腎，則發熱淹繩，卽成勞損。

秦艽 杜仲 五茄皮 生地 地骨皮

當歸 繢斷 牛膝 草薢 茯苓

詒按：邪鬱化熱，則傷及陰血，故易入損。○方內再加丹皮桂枝，更覺周到。

○寒溼之氣，從外而入於內，遍體歷節疼痛，而又胸滿嘔痰。經云：從外之內者，治其外。又云：胃爲藏府之長，束筋骨，利機關，皆胃氣之流行。然則外通經絡，內和胃氣，便是治法之綱領矣。

川附 茯苓 南星 半夏 陳皮 木瓜

竹瀝  
薑汁

詒按骨節痛與嘔痰自是兩途之病用藥兩面照顧亦爲合法案中以胃氣一層牽合筋節雖似有理而實非內經本旨○方中木瓜竹瀝是筋絡藥擬再加桂枝秦艽獨活桑枝牛膝

內風門

○病起肝風繼增痰飲吐酸所以口目筋掣而胸膈不利也近因暑熱上蒸咽喉碎癢暫投涼劑喉患雖減而胸膈愈覺撐脹夫肝風之動由於陰血之虛痰飲之生又係胃陽之弱病涉兩岐法難並用今且宣化胃溼以

祛痰稍佐平肝降逆之品。

半夏 茯苓 陳皮 旋覆花 麥冬 杏仁

川貝 鬱金 丹皮 黑山梔 竹茹 瓜仁

詒按此等兩礙之病最難用藥須看其周到熨帖

處○方中旋鬱貝杏是兼參胸痺治法

○肝爲風藏而主筋心爲火藏而主脈心包絡與三焦相爲表裏俱藏相火心包主裏三焦統領一身之絡此病起於病後心中饋熱胸前跳躍繼而氣攻背脊如火之灼或大或小或長或短皆在經絡脊脈之中良由病後絡脈空虛相火內風走竄入絡非清不足以熄火非

鎮不足以定風。然而絡脈空虛。使非堵截其空隙之處。  
又恐風火去而復入。故清火熄風填竅三法必相須爲  
用也。第此證實屬罕見。醫者意也。以意會之可耳。倣仲

景法。

羚羊角

寒水石

滑石

紫石英

龍骨

石決明

生石膏

磁石

赤石脂

牡蠣

大黃

甘草

各三錢

右藥研末。每服一錢。一日三服用。

大生地一兩。百合一兩。煎湯調服。

詒按金匱中風門有侯氏黑散風引湯二方。其用

意以填竅爲主。喻西昌論之詳矣。讀者取喻氏之論觀之。卽識此方之意。

○先嘔數日。嘔止而發痙厥。日三五次。此乃肝逆犯胃。聚液成痰。內風燉動。陽氣偏張。痰亦從之爲患。擬清熄風陽兼和其胃。

羚羊角 鈎鈎 半夏 陳皮 茯苓

石決明 山梔 菊花 元參 竹茹

再診。痙厥日數發。口噤不能言。而心中了了。病不在心而在肝。夫心爲君主。肝爲將軍。當氣逆火升風動之際。一如將在外。君命有所不受。君主雖明。安能遽禁其

強暴哉。况胃爲心之子，胃家之痰與肝家之風火互結，黨援相助爲虐。今舌紅碎痛，一派炎炎之勢，漸迫心君，故欲化胃家之痰，必先清泄肝家之風火，而安鎮靈臺，使心君無震撼之虞。尤爲要着。

羚羊角 鮮生地 扇角 茯神 山梔 元參  
石決明 天竺黃 鈎鈎 薏仁川連 竹瀝薑汁冲  
金箔

詰按：議論明快，立方熨帖。○擬去犀角加川連，更爲親切。

○久患肝風眩運，復感秋風成瘧。瘧愈之後，週身筋脈

踴躍甚則發厥。此乃血虛不能涵木，筋脈失養，虛風走絡，痰涎凝聚所致。擬養血熄風化痰通絡。

製首烏 紫石英 白蒺藜 半夏 茯神

羚羊角 石決明 煙天麻 粟仁 洋參

陳皮 竹瀝 薑汁

詒按歸芍似不可少。

○五藏六府之精氣皆上注於目。目之系上屬於腦。後出於項。故凡風邪中於項。入於腦者。多令目系急而邪視。或頸項強急也。此證始由口目牽引。乃外風引動內風。內風多從火出。其原實由於水虧。水虧則木旺。太旺

則風生。至於口唇乾燥赤碎。名飴唇風。亦肝風胃火之所成也。治當清火熄風。養陰爲法。

大生地

丹皮

沙參

鈞鈞

桑葉

羚羊角

石決明

白芍

芝麻

薜皮

梨皮

元參心

川石斛

○肝苦急。急食甘以緩之。

生甘草

研末紅棗一斤

一袁爛去皮核與甘草打和爲丸

每服三錢開水送下

原註。此人並無表證。又不內熱。一日數十症。服此

二料卽愈。

詒按前兩方是風火致瘧者通治之方。後一方雖依經用藥。但平實無靈機。如此重病。而服之竟效。奇哉。

補遺

○上年夏季。痰火迷心。神呆語亂。治之而愈。至今復發。脈浮小弱。舌心紅而苔薄白。語言錯亂。哭笑不常。憑脈而論。似屬心風。蓋由風入心經。蘊熱蒸痰所致。用本事

獨活湯法。

獨活 防風 黃芩 山梔 元參 石菖蒲  
膽星 茯苓 橘紅 甘草 竹葉 鮮生地

詒按論證確鑿。此爲學有本源。查許學士獨活湯原方僅有獨活防風茯苓三味相同。此蓋用其意而不襲其成方也。

○情志鬱勃心肝受病神思不安時狂時靜時疑時怯。心邪傳肺則心悸不寐而欬嗽。肝邪傳膽則目定而振慄其實皆鬱火爲患也。擬清心安神壯膽爲主平肝和脾佐之。

川連 茯神 菖蒲 龍骨 遠志 北沙參  
棗仁 膽星 川貝 鐵落 石決明

豬膽一個用川芎五分研  
納入以線紮好入煎

詒按清心化痰涼肝鎮怯立方周到熨帖尤妙在  
川芎一味入猪膽內可以疎木鬱壯膽氣開後人  
無數法門也

○寡居十載愁惕苦心牙齦山血有時若癟其病已久。  
茲一月前猝遭驚恐遂神糊語亂口吐紫血腹脹不食。  
兩脈模糊難以捉摸此乃驚動肝陽神魂擾亂血隨氣  
逆是卽薄厥之屬今兩足常冷陽升於上急以介類潛  
陽重以鎮怯冀其厥止再商。

川連

吳萸炒

牡蠣

阿膠

茯神

棗仁

石決明

羚羊角

龍骨

茜草炭

紫石英

代赭石

白芍 金箔

詒按。病深且久。病氣內涉於藏。實難取效。但就病論治。隨證用藥。已能處處熨帖。自屬可存。

再診 風陽稍熄。神志未安。仍從前法增損。

川連

吳萸炒

石決明

牡蠣

茯神

龍骨

遠志

羚羊角

紫石英

阿膠

棗仁

白芍

橘紅

石菖蒲

金箔

另硃砂安神丸

○肝風胃溼。凝聚成痰。每逢勞碌。則氣逆而痰湧。驟然昏迷。少頃復醒。醒後數日無力。此屬癇類。其原總由水

癰不能涵木所致。煎方無效。宜用丸藥。

生地 茯神 山藥 丹皮 藉仁 茯苓

萸肉 澤瀉 磁石

右藥爲末。煉蜜摻作小丸。將後藥泛上。

半夏 南星製陳皮 青黛 蛤殼 鐵金

石決明 沉香 琥珀

右藥爲末。泛上前丸爲衣。曬乾。每服五錢。淡鹽花湯送下。

詒按。作丸之法頗極精妙。

○肝火痰涎。內蒙心竅。外竄經絡。時發癰證。

洋參  
製三兩

天竺黃  
一兩

明礬  
一兩

首烏  
製四兩

茯神  
炮三兩

半夏  
一兩

川貝  
二兩

附子  
五錢

雄精  
五錢

辰砂  
五錢

南星  
一兩

石决明  
兩

川鬱金  
四兩

陳皮  
一兩

丹皮  
炒二兩

水丹皮  
炒各二兩

右藥爲末用金箔濂珠血珀玳瑁獺肝羚羊角另研細末用鈎鈎三兩煎濃湯沖入竹瀝一杯薑汁一枚將上藥末泛丸每早服二錢橘紅湯送下

詒按前方兼顧水虛此方專治痰火見證不同固各有所當也

痰火門

○心境沉悶意願不遂近因患瘧多飲燒酒酒酣之後

如醉如狂。語言妄亂。及今二日。診脈小弦滑沉。舌苔薄白。小水短赤。大便不通。渴欲飲冷。昏昏默默。不知病之所。的。因思瘧必有痰。酒能助火。痰火內擾。神明不安。此少陽陽明同病。而連及厥陰也。少陽爲進出之樞。陽明爲藏邪之藪。今邪併陽明。瀰漫心包。故發狂而又昏昏默默也。仿仲景柴胡加龍牡湯主之。

柴胡 黃芩 半夏 茯苓 龍骨 甘草

牡蠣 鉛丹 菖蒲 大黃 竹瀝 薑汁

詒按。病之來原去路。一一指出。藥亦的當。

○寐中常坐起。而不自知。日間靜則磕睡。此濁痰迷閉。

清陽陽氣鬱而不宣也。

膽星 川貝 茯苓 陳皮 枇實 半夏

黨參 遷志 菖蒲

再診。體肥多溼之人。溼熱蒸痰。阻塞肺胃。喉中氣粗。呼吸如喘。卧寐之中。常欲坐起。仍然鼾睡。而不自知。所以起坐之故。蓋痰阻氣鬱。蒙閉清陽。陽氣鬱極。則欲伸。故寐中欲坐起也。病屬痰與火爲患。茲擬煎方開其肺。焯。另用丸藥化其痰火。痰火一退。清陽得伸。病自愈矣。

射干 橘紅 冬瓜子 杏仁 桔梗 紫貝

竹瀝 薑汁 蕤蔭子 藜子 枇杷葉

另黑丑取頭末三錢 蒜菔子炒三錢 槟榔炒三錢 大黃酒炒三錢  
研末蜜丸作十二粒每午後一丸臨卧一丸噙化嚥

下

詒按審病旣得其眞諭用藥自然入彀○丸方中  
加入菖蒲膽星鬱金東丹等以開鬱墜痰較似得  
力

○膽虛則神自性氣鬱則痰自凝於是咽喉若塞氣短  
似喘偶值煩勞夜寐多魔無形之氣與有形之痰互相  
爲患遂至清淨無爲之府與虛靈不昧之神均失其甯  
謐之常欲安其神必化其痰欲壯其膽必舒其氣故清

之化之。和之益之。必相須爲用也。

沙參

棗仁

川連炒

半夏

膽星

遠志

茯神

神麴

石菖蒲

橘紅

金箔

竹瀝

薑汁

另膽星

三錢琥珀一錢

金箔

張黑白丑

取頭末各一錢五分

右藥另研和

一處共爲細末

每服三分

橘紅湯送下

又方

黨參

薑汁炒半夏

半夏

膽星

茯神

遠志

棗仁

川貝

橘紅

蛤殼

神麴

竹瀝

薑汁

痰飲門

○痰飲阻於胸中。欬而短氣。心悸。用四君補氣。二陳化

卷之三  
疾。桂枝通陽。欬冬止。欬加減成方。仍不越苓桂朮甘之制。若舍仲景而別求良法。是猶廢規矩而爲方員也。詎可得哉。

桂枝 茯苓 白朮 甘草 半夏 陳皮

黨參 款冬花

詒按。方論俱平正通達。可以取法。

再診。用補氣化痰通陽蠲飲。欬而短氣俱減。但心仍悸。參以益智。

茯苓 白朮 甘草 党參 陳皮 半夏  
桂木 款冬花 益智仁 東仁

○胸中之元陽不足。膻中之火用不宣。痰飲伏於心下。胸前如盤大一塊。常覺板冷。背亦惡寒。三四年來。每交子後。則氣喘。陽氣當至。不至。痰飲阻遏。其胸中陽微陰勝。故也。天明則陽氣張。故喘平。至欬嗽心悸。易於驚恐。皆陰邪竊踞胸中之病。其常若傷風之狀者。衛外之陽亦虛也。圖治之法。當祛寒飲而逐陰邪。尤必斡旋其陽氣。俾如離照當空。而後陰邪盡掃。用仲景苓桂朮甘法。先通胸中之陽。再議。

茯苓

細辛一分泡湯拌浸焙

桂木

冬朮

熟附二分煎汁拌炒陳皮

甘草

麻黃一分泡湯拌浸焙

炮薑

五味子五粒同焙

補骨脂

鹽水炒焦

黨參

薑汁炒

半夏

紫石英

胡桃肉

蝴蝶殼

詒按審證清切方中以辛烈之品煎汁收入甘平藥內用意頗巧骨脂桃肉參入補腎之意尤爲周到○此證陽微飲踞自屬確不可易惟所吐之痰

是否清稀抑係乾黃黏厚案中未經敘明其常若

傷風之狀衛陽虛者固有此候亦有痰濁化熱蘊於肺中以致招引外風者亦多此證不可不細爲

之辨

○欬嗽口不渴當臍痛而脈細頭常眩運此乃手足太陰二經有寒飲積滯阻遏清陽之氣不能通達故一月

之中必發寒熱數次。乃鬱極則欲達也。病將四月。元氣漸虛。寒飲仍戀而不化。先以小青龍湯蠲除寒飲。宣通陽氣。再議。

麻黃 桂枝 白芍、細辛 乾薑 半夏

五味子 甘草

詒按此內飲而兼外寒之方。一月中寒熱數次。或因兼感外邪。則此方的對矣。

○脈沉取之數其陰內虧。其熱在裏。病延日久。勞損之候。證見欬唾白痰。脘腹時痛。痛則氣滿。得矢氣則稍寬。病由肝鬱而成。據云欬已三年。初無身熱。是其根又有

痰飲也。經訓治病必求其根。茲從痰飲氣鬱例治之。

半夏 茯苓 桂木 丹皮 白芍 香附

沈香 神麴 歸身 甘草 冬朮 陳皮

金橘餅

詒按此苓桂朮甘合二陳加歸芍丹皮以養肝。沉附翹橘以化氣也。立方平穩。熨帖。

○痰飲欬逆。肺腎兩虛。胃溼不化。用苓桂朮甘湯合二陳治其胃。都氣丸治其肺腎可也。

苓桂朮甘湯合二陳湯 加川貝 杏仁 沈香

另都氣丸每服四錢。淡鹽湯送下。

詒按虛實兼到親切不抒。

○痰飲欬嗽已久其源實由於脾胃兩虧柯氏云脾胃爲生痰之原肺胃爲貯痰之器也近增氣急不得右卧右卧則欬劇肺亦傷矣肛門漏瀉適來糞後有血脾腎虧矣幸胃納尚可議從肺脾腎三經同治然年已六旬宜自知變養爲要否則慮延損證。

熟地砂仁五味子 炮薑 半夏 陳皮 茯苓  
阿膠蒲黃炒 款冬花 冬朮 歸身 川貝

原註此金水六君煎合黑地黃丸加阿膠款貝三味直補金土水之虛上能化痰下能止血其中雖

有炮薑勿嫌其溫。蓋有五味以攝之也。

詒按此等病立方最難安放平穩似此周到熨帖。自非老手不辦。

○飢飽勞碌傷胃寒痰凝聚氣血稽留阻於胃絡因而胃脘脹痛嘔吐黏痰初起一發卽平後來發作愈勤今則殆無虛日飲食從此減少病日益甚胃日益虛倘不加謹恐延脹滿不易圖治。

黨參 炮薑 冬朮 熟附 半夏 良薑  
陳皮 茶荳 蔡仁

再診 溫胃化痰從理中二陳平胃三方化裁。

六君子湯 加川朴 熟附 炮薑 茶朮

三診 寒積中焦。胃陽不佈。痰飲竊踞。爲痛。爲脹。爲吐。爲噦。法當溫運中陽。但病根已深。必耐心久服乃效。

黨參 炮薑 半夏 茯苓 陳皮 川椒

熟附 蔴仁 白朮

四診 中虛非補不運。寒飲非溫不化。益火生土。通陽  
獨飲。苓桂朮甘湯主之。附子理中湯亦主之。

黨參 桂木 炮薑 半夏 茯苓 熟附

冬朮 陳皮 蔴仁

五診 痘有常經。方有定法。藥已見效。無事更張。袁詩

云莫嫌海角天涯遠。但肯搖鞭有到時。

附子理中湯合二陳湯 加桂木 老薑

詒按前後五方看病的確用藥的當案語亦親切  
簡老於此道中自推老手。

欬喘門

○稚齡形瘦色黃。痰多食少。晝日微欬。夜寐則喉中嘆  
吼有聲。病已半載。而性畏服藥。此脾虛而溼熱蒸痰。以  
阻於肺也。商用藥棗法。

人參三錢蒼朮土炒一錢茯苓三分川樸薑汁炒一錢榧子三錢  
炙草一錢陳皮鹽水炒一錢川貝三錢朱製半夏三錢冬朮三錢

右藥各研末和一處再研。聽用好大棗一百枚去核。  
將上藥末納入棗中。以綫紮好。每棗一枚。大約納入  
藥末二分爲准。再用甜葶藶一兩。河水兩大椀。同棗  
煮。俟棗軟熟。不可大爛。將棗取出。曬乾。每飢時將棗  
細嚼。嚥下一枚。一日可用五六枚。餘下棗湯去葶藶  
再煎濃至一茶杯。分三次先溫服。俟棗乾。然後食棗。  
原註此平胃六君湯加川貝榧子製法極好。以治  
脾虛溼熱。蒸痰阻肺。喉中痰多者極妙。此法從葛  
可久白鳳膏化出。頗有巧思。此病服之遂愈。  
詒按靈心巧想。可法可師。

○肺爲貯痰之器。脾爲生痰之源。肺虛則痰不易化。脾虛則溼不能運。痰上逆而喘歎。溼下注而足腫。腫之與喘無非氣失升降而乏運行之權也。今擬脾肺同治。冀痰溼運行乃吉。

黨參 蔊蔥 杏仁 潤渴 大腹皮 半夏  
赤苓 陳皮 通草 冬瓜子 枇杷葉 棗

詒按論病用藥俱能得其要領。

○年過花甲。腎氣必虧。即使善自調攝。亦不過少病耳。及至既病。則各隨其見證而施治焉。今嗽嗽氣升。食少倦怠。證形在於肺脾。自宜從肺脾求治。然氣之所以升

者卽腎水虛而不能藏納肺氣也。食葷油則大便溏者。  
卽腎陽不能蒸運脾土也。然則補腎尤爲喫緊。雖  
不治肺肺而肺脾得陰矣。

黨參 五味 山藥 紫石英 补骨脂 荘肉  
胡桃肉 茯苓

身金匱腎氣丸

三錢

詒按立論頗能探入深處用藥亦親切不浮。

○氣上逆而欬甚舌心紅而邊白此陰虛痰滯下虛上  
盛之候也。病已月餘消瘦恐刦其陰養陰恐增其濁擬  
以降氣化痰少佐益陰爲法。

蘇子降氣湯去桂

另都氣丸

五錢

詒按立方切當

○病將一載。欬嗽內熱。行動喘促。少腹牽痛。此腎氣虛而不納也。仿都氣法。

生地 茄肉 伏苓 丹皮 山藥 五味子

澤泻 麦冬 川貝 沉香

詒按立方精當

再診：壯水生金補子益母。

前方 加黨參 胡桃肉

○多年欬喘。逢寒遇勞。輒發。汗多氣升。肺傷及腎。腎氣虛而不納矣。法當補腎以納氣。

熟地 懷牛膝 北沙參 半夏 陳皮 茶荳

麥冬 五味子 紫石英 蛤殼 沉香

再診 寒入肺底。久而化熱。同一痰喘。先後不同也。初病在肺。久必及腎。同一欬逆。虛實不同也。補腎以納氣。清肺以化痰。須兩層兼顧爲穩。

北沙參 五味子 麥冬 川貝 杏仁 蛤殼

懷牛膝 地骨皮 熟地 梨皮 枇杷葉

詒按。前方用藥切當。此方案語圓融。

○痰飲欬喘。腕中脹滿時或微痛。雖脾腎肺三經同病。而法當責重乎脾。以脾得運而氣化通。則痰飲有行動之機也。

乾薑

五味子  
同研炙

半夏

陳皮

茯苓

補骨脂

北沙參

元米  
炒

杏仁

川朴

澤瀉

胡桃肉

再診。痰飲停於心下。上則喘欬。下則腕脹。多由清陽失曉。痰濁內阻。轉胸中之陽以安肺。運脾中之陽以和胃。欬喘與脹滿當鬆。

瓜蔞皮

枳實

乾薑

川朴

半夏

陳皮

薤白頭

茯苓

澤瀉

詒按此證欬脹兩證並重故治法亦肺脾兼顧  
○痰飲久留於肺胃或欬或喘或脹皆痰氣之爲病  
也化胃中之痰宜苓半化肺經之痰宜橘貝從此擴充  
以立方

二陳湯合苓桂朮甘湯 加川貝 杏仁 蛤殼

紫苑

詒按此病因有脘脹而無腎虛見證故始終以運  
、脾化痰之法

○欬嗽痰多氣急其標在肺其本在腎歷年既久自淺  
及深自肺及腎法當治其本矣

熟地 懷山藥 懷牛膝 半夏 陳皮 茯苓

蛤殼 五味子 紫石英 沙苑 胡桃肉

再診 補腎納氣。水不泛而痰自化。培土運溼。溼不停而痰可降矣。

懷牛膝 懷山藥 半夏 陳皮 茯苓 熟地

紫石英 銀杏肉 杞子 五味子 胡桃肉

詒按兩方案語清簡用藥切實。○方中再加於朮於

培土較似有力。

○腎司納氣而開竅於二陰。此病每因勞碌之餘必先頻轉矢氣而後氣升上逆。短促如喘。飲食二便如常。其

病在少陰之樞宜補而納之。

六味地黃丸合生脈散 加青鉛

詒按腎爲作強之官。過於勞動則收攝無力。故見此證與尋常喘促又是一種。認證既確。立方亦切實不虧。○擬再加砂仁胡桃肉。

○暑風從背俞而內薄於肺。溼熱從胃脈而上熏於肺。外內合邪。其氣併於胸中。氣不得通。因而上逆。氣升作欬。舌苔薄白。口膩不渴。治屬飲家。

冬瓜子 半夏 茯苓 射干 通草

馬兜鈴 枳殼 杏仁 橘紅 枇杷葉

詒接此方輕靈可喜。擬再加滑石薏仁。既有暑風內薄。宜再參用疎泄之品。

○閱病原知。繇痰飲久留。肺脾腎三藏交傷。下則腎虛不能納氣。中則脾虛不能運氣。上則肺傷不能降氣。繇是欬喘不得卧。肢腫腹脹。神氣疲憊。虛亦甚矣。治上無益。當治中下。

熟地 懷牛膝 茯神 五味子 胡桃肉  
沙苑 懷山藥 蛤殼 紫石英 補骨脂  
麥冬

另黑錫丹每朝鹽花湯送下一錢

詒按病候已造極深之域。用藥如此。亦背城借一之計。

○喘哮氣急。原由寒入肺俞。痰凝胃絡而起。久發不已。肺虛必及於腎。胃虛必累於脾。脾爲生痰之源。肺爲贮痰之器。痰戀不化。氣機阻滯。一觸風寒。喘即舉發。治之法。在上治肺胃。在下治脾腎。發時治上。平時治下。此一定章程。若欲除根。必須頻年累月。服藥不斷。倘一暴十寒。終無濟於事也。

發時服方 款冬花 桑白皮 紫苑 蘇子

沉香 茯苓 杏仁 橘紅 製半夏 黃芩

平時服方

五味子

紫石英

假

陳皮

半夏

茯苓

薏仁

蛤殼

胡桃肉

杜仲

熟地

詒按論病則源流俱到層折畢清用藥亦周到熨帖絕不浮泛洵非老手不能到此地位

再診 喘哮頻發脈形細數身常惡寒下焦陰虛中焦痰盛上焦肺弱肺弱故畏寒陰虛故脈數喘之頻發痰之盛也有所感觸病遂發焉病有三層治有三法層層護衛法法兼到終年常服庶幾見效否則恐無益也

發時服方

桂枝

生晒

款冬花

蜜炙

橘紅

炒鹽水

杏仁霜

萊菔子

桑白皮

蜜炙

右藥共研末。用枇杷葉十片去毛。煎湯再用竹瀝半茶杯。薑汁一酒杯相和一處。將上藥末泛丸。發喘時每至卧時服此丸二錢。薏仁橘紅湯送下。

平時服方

熟地

砂仁  
拌炒

丹皮

鹽水  
炒

山萸肉

酒  
炒

茯苓

牛膝

鹽水  
炒

澤瀉

鹽水  
炒

肉桂

山藥

炒

五味子

鹽水  
炒

右藥爲末。用煉白蜜搗和。攢作小丸。丸須光亮。俟半乾。再用製半夏三兩。陳皮二兩。炙甘草一兩。研極細末。泛爲衣。每朝服二錢。發時亦可服。

○心歎之狀。歎則心痛。喉中介介如梗狀。甚則咽腫喉

癲。蓋因風溫襲肺，引動心包之火上逆，故治法仍宜宣散肺經風邪，參入甯心緩火之品。仲景方法畧示其端，但語焉未詳，後人不能細審耳。

前胡

杏仁

象貝母

桔梗

射干

麥冬

遠志

甘草  
湯製

沙參

小麥一兩

煎湯代水

詒按心欬屬心火刑金之病，宜畧加竹葉元參等，清心之品乃合。○小麥湯代水頗有巧思。

○煩勞罷極則傷肝，肝傷則氣逆而上迫爲脇痛，爲欬嗽。秦氏所謂先脇痛而後欬者，肝傷肺也。治法不在肺而在肝，夏令將臨恐有失血之虞。

旋覆花 桃仁炭 杏仁 川貝 蘇子

冬瓜子 黑山梔 丹皮 麻金 薏仁

枇杷葉

詒按、審證清切。立方諦當。愚意再加歸鬚桑白皮  
白芍。

○五藏皆有欬。總不離乎肺。肺爲嬌藏。不耐邪侵。感寒  
則欬。受熱則欬。初起微有寒熱。必挾表邪。邪戀肺虛。脈  
形空大。前方降氣化痰。保肺滌飲。俱無少效。據云。得汗  
則身體輕快。想由肺氣雖虛。留邪未淨。補虛而兼化邪。  
亦一法也。用錢氏法。

牛蒡子

元米炒

馬兜鈴

杏仁

阿膠

蛤粉

蘇子

桑白皮

款冬花

炙甘草

茯苓

枇杷葉

桑葉

詒按此肺虛受邪虛實兼顧之法。

○脈虛軟而似數內傷虛弱奚疑夫邪之所乘其氣必虛虛處受邪其病則實咳嗽雖由外感而實則因於氣虛以爲風寒固不可以爲虛損亦未必可玉竹飲子主乏。

玉竹

杏仁

蘇子

桑白皮

款冬花

象貝

橘紅

沙參

元木炒

旋覆花

枇杷葉

詒按將虛實二字說得六通四闢。○此玉竹飲子  
加減潤肺疎邪虛實兼到。

○寒嗽交冬則發。兼患頸項強急。

熟地

六錢  
煎汁  
浸炒

茯苓

三錢  
細辛五  
分煎汁  
浸炒

胡桃肉

四  
錢  
鹽水  
炒

川貝

三  
錢

五味子

八分乾薑  
一錢同炒

陳皮

二錢  
水炒

半夏

五分  
歸身  
三錢

黨參

三  
錢  
米炒

欬冬花

三錢  
薏仁四  
錢

杏仁霜

三錢  
歸身  
酒炒

甘草

三  
錢  
米炒

右藥爲末。

煉蜜爲丸。

每晨開水送下三錢。

詒按此陰虛而挾痰濁致爲欬嗽。用金水六君煎一味。則頸項強急亦在治中矣。

○陰虛而兼痰濁致爲欬嗽。用金水六君煎。

半夏

陳皮

茯苓

炙草

當歸

川貝

杏仁

紫苑

熟地

砂仁拌炒鬆後入署煎一兩沸

原註倣飲子煎法。獨藥清投。取其益陰。而不膩滯痰濁也。

詒按陰虛而挾溼痰。最難用藥。此亦無法中之一法。

○欬嗽四年。曾經失血。今已音啞。脈形細弱。真陰元氣皆虧。勞損根深。藥難見效。猶幸胃氣尚可。大便未溏。姑擬甘潤養陰。希圖苟安而已。

北沙參

麥冬

杏仁

川貝

玉竹

扁豆

生甘草 茯苓 橘餅 枇杷葉

再診 欸嗽止而失血音啞。津液枯槁勞損成矣。脈形細弱。精氣兩虧。內經於鍼藥所不及者。調以甘藥。金匱遵之。而用黃耆建中湯。急建其中氣。俾得飲食增。而津液旺。冀其精血漸充。復其真陰之不足。蓋捨此別無良法也。

黃耆秋石水炒白芍桂炒去桂北沙參炙生甘草 玉竹

麥冬 川貝 茯苓 橘餅

詒按此與前方看似無聊應酬之作。其實精到熨帖。所謂舍此無良法也。

○痰飲欬嗽飽則安。飢則欬乃胃虛也。

黃耆

甘草

冬朮

陳皮

白芍

玉竹

茯苓

杏仁

桔梗

詒按再加黨參薏仁何如。

○欬嗽月餘。痰腥帶血。氣升喧逆。脈絃滑數。風溫久戀化火蒸痰。灼金耗液。證屬肺癰。非輕候也。

冬瓜子

淡芩

薏仁

紫苑

川貝

桑皮

甜杏仁

蘇梗

沙參

蘆根

附錄張氏醫通云。薏仁根搗汁。頓熱服之下。咽臭痰即解。有蟲者蟲即死出。薏仁爲肺癰專藥。然性

燥氣滯服之未免上壅。不及根汁之立能下奪。已潰未漬皆可挽回。陳芥菜汁溫服灌吐最妙。一方用薄荷濃煎稍入白蜜。已潰未潰皆效。

再診 欽熱痰腥帶血。脈形絃硬。面色暗晦。肺氣失降。木火上逆。防加喘急。

羚羊角 鮮生地 川貝 甜杏仁 蛤殼

石決明 桑白皮 紫苑 枇杷葉 蘆根

○欬吐臭痰如膿血。此屬肺癰。舌苔濁厚。痰濁膠黏。倣仲景法。

葶苈子 冬瓜子 桃仁 桔梗 桑皮

瓜萎仁 旋覆花 蘇子 川貝 蘆共

詒按此治肺癰初潰之主方。

又按肺癰之病皆因邪瘀阻於肺絡久蘊生熱蒸化成膿故其證初起病在此葉者不及彼葉初用疎瘀散邪瀉熱可冀其不成膿也繼用通絡托膿是不得散而托之使速潰也再用排膿泄熱解毒是既潰而用清泄使毒熱速化而外出也終用清養補肺是清化餘熱而使其生肌收口也凡此皆肺癰治法之一定層次也乃有一種外感欬嗽其初起並非肺癰祇因濁痰蘊熱阻結於肺復爲外

涼所束。或爲油膩所黏。阴窒竅隧。濁熱蒸悶。蘊結不解。致吐痰臭穢。胸膈隱痛。甚則失音。氣促。蒸熱喘汗。病情與肺癰無異。其初終治法。亦與肺癰相同。但肺癰多實證。而此則每涉於虛。最易流入損途。其難治較甚於肺癰。或以其虛而漫指爲肺癰。其實與前人所論癰瘍。均不相合。茲特表而出之。俾學者不至淆惑焉。

○肺花瘡。乃肺虛火炎。金受其戕。音啞。欬嗆。勞損之根。不易見效。

北沙參 元參 桑皮 杏仁 川貝 欸冬花

失血門

○脈數血不止。胃氣大虛。胸中痞塞。大便常溏。是痞爲虛症。數爲虛數。欬血三月。今忽衝溢。唇白面青。斷非實火。大凡實火吐血。宜清宜降。虛火吐血。宜補宜和。古人謂見痰休治痰。見血休治血。血久不止。宜以固藥收功。今擬一方。援引此例。未知有當高明否。

人參　扁豆　川貝　茯神　藕汁　京墨

詒按。此方於扶固藥中。參以止血之意。固屬正治。惟唇白面青。既見虛寒。確據似宜。於此方中。參入炮薑等溫攝之品。以斂浮陽而止血也。

再診 脈數退，血少止。藥病相當，頗得小效。而反惡寒汗出者，蓋血脫則氣無所依，氣屬陽，主外衛，虛則不固。故惡寒而汗出，最怕喘呃暴脫，措手莫及。猶幸胸痞已寬，稍能容納，仿血脫益氣之例，經曰：陽生陰長，是之謂耳。

人參 扁豆 五味子 炙甘草 炮薑

山藥 炒鮮藕汁

詒接此與前方同意，以惡寒故加炮薑。

三診 血脫益氣，昔賢成法。今血雖大止，而神氣益憊，唇白面青，怕其虛脫，欲牢根蒂，更進一籌。

人參 扁豆 炒五味子 熟地

砂仁炒附子秋石水炒

麥冬 冬朮 炮薑 陳皮 伏龍肝湯代水

詒按伏龍肝未審何意○此方大意亦與第一方相似漸參溫補之意以防其虛脫故耳

四診 肝腎之氣從下泛上青黑之色滿於面部陰陽離散交子丑時防脫勉擬鎮攝希冀萬一

人參 熟地 五味子 麥冬 茯神

坎炁 肉桂 紫石英 青鉛

詒按此方急於固脫故用藥如是

五診 血止三日而痰吐如汚泥且臭是胃氣大傷肺

氣敗壞而成肺痿。痿者萎也。如草木之萎而不振終屬勞損沉疴。極難醫治。外臺引用炙甘草湯。取其益氣生津。以救肺之枯萎。後人遵用其方。恆去薑桂之辛熱。此證面青不渴。正宜溫以扶陽。但大便溏薄。除去麻仁之滑潤可耳。

人參 炙甘草 夢冬 阿膠 生地 炮薑  
肉桂 五味子 紫石英

詒按痰如污泥。是必血液敗腐。日久而然。並非肺痿。惟所用炙甘草湯。養血滋液。尙與病情不背。恐意加入薏仁丹皮。略倣內癥治例。似乎稍合。

六診 病勢依然仍從前方加減

前方加重炮薑再加製洋參

詒按以後方均是復脈加減

七診 連進炙甘草湯。病情大有起色。但欬嗆則汗出。肺氣耗散矣。散者收之。不宜再兼辛熱。當參收斂之品。

人參 熟地

沉香末拌炒

炙甘草

阿膠

五味子

黃耆

蜜炙粟殼

炙大棗

○久欬失血。精氣互傷。連進滋培。頗獲小效。但血去過多。驟難充復。從來血證。肺腎兩虛者。宜冬不宜夏。蓋酷暑炎蒸。有水涸金消之慮耳。今雖炎暑未臨。而已交仲。

夏宜與生精益氣。大滋金水之虛，兼扶胃氣，則金有所恃。且精氣生成於水穀，又久病以胃氣爲要也。

洋參 麥冬 五味 熟地 生地 黨參

黃耆 山藥 炙草 陳皮 茯神 扁豆

詒按層層照顧，可謂慮周藻密。方中擬再加百合

沙參。

再診 血止胃稍醒，仍以原法爲主。

前方加蜜炙粟殼

另用白芨一味爲丸，每朝鹽花湯送下三錢。

○素患嘔血，血止復發，現有胸痛，時時噯氣，舌苔白膩。

脈細而遲。此胃中有瘀血，挾痰濁爲患也。

旋覆花  
鬱金  
杏仁  
紫苑  
瓜蔞仁

代赭石  
茯苓  
貝母  
桔梗  
枇杷葉

詒按：血證中之變例，擬加丹參桃仁。

○血色紫而有塊，此屬肝火乘胃，瘀凝上泛也。仿繆仲

醋法。

鮮生地  
大黃醋炒  
阿膠蒲黃炒  
丹皮炒黑  
山梔

蘇子  
白芍  
扁豆炒  
桔梗香  
枇杷葉  
藕汁

詒按：此肝火衝激於血絡所致，最易留瘀致病。故用藥如此。若再加茜根炭三七，似於瘀血一面，更

爲着力。

○始由寒飲欬嗽繼而化火動血一二年來血證屢止屢發而欬嗽不已脈絃形瘦飲邪未去陰血已虧安靜則欬甚勞動則氣升蓋靜則屬陰飲邪由陰生也動則屬陽氣升由火動也陰虛痰飲四字顯然擬金水六君同都氣丸法補腎之陰以納氣化胃之痰以蠲飲飲去則欬自減氣納則火不升也

生地海浮石  
拌炒半夏青鹽  
製麥冬元米  
炒五味子炒訶子  
紫石英 丹皮炭 牛膝鹽水  
炒懷山藥炒蛤殼打蜜  
茯苓 青鉛 枇杷葉蜜炙

詒按陰虛而兼痰飲用藥最難須看其兩不礙手處

○去秋欬嗽些微帶血已經調治而痊交春吐血甚多欬嗽至今不止更兼寒熱朝輕暮重飲食少納頭汗不休真陰大虧虛陽上亢肺金受燥脾胃傷戕津液日耗元氣日損脈沉細濇口膩而乾虛極成勞難爲力矣姑擬生脈六君子湯保肺清金調元益氣扶過夏令再議

洋參 沙參 麥冬 五味子 扁豆

製半夏 茯神 陳皮 炙甘草

另枇杷葉露 野薑薇露 各一杯冲服

原註生脈散保肺清金六君子去丸嫌其燥加扁豆培養脾陰土旺自能生金也不用養陰退熱之藥一恐滋則滑腸一恐涼則妨胃耳從來久病以胃氣爲本經云有胃則生此其道也

詒按此平正通達調補方之久服無弊者

○欬嗽內傷經絡吐血甚多脈不數身不熱口不渴切勿見血投涼法當益胃擬理中加味

黨參元米炒扁豆炒炙甘草炮薑歸身炭

血餘炭丹皮炭白芍杏仁陳梗米

糲節

詒按見識老到立方精卓。

○內則陰虛有火外則寒邪深襲失血欬嗽又兼三癆病已數月。虛來心口瘦痛胸腹空豁難通經云陽維爲病苦寒熱陰維爲病苦心痛此陰陽營衛之偏虛也擬黃耆建中法和中藏之陰陽而調營衛復合生脈保肺之陰復脈保腎之陰通盤打算頭頭是道矣。

歸身炭 炙甘草 大生地砂仁 五味子 鱗甲

黃耆 青蒿 沙參 白芍桂枝三分炒阿膠 麥冬

煨生薑 紅棗

詒按正虛而兼有寒邪故立方如是。

○肝胃不和。脘痛嘔酸。兼以酒溼熏蒸於胃。胃爲多氣多血之鄉。故吐出瘀血甚多。血止之後。仍脘中作脹。嘔吐酸水。法宜調和肝胃。切戒寒涼。

製半夏 陳皮 茯苓 麥金 烏藥 延胡  
桃仁泥 炮薑炭 香附 雞距子 蘇梗

詒按此與陰虛失血不同。更兼氣阻溼鬱。故用藥如是。

○少陰水虧。陽明火亢。鼻血不止。擬玉女煎合四生飲法。

生地黃 鮮地黃 龜板 石膏 知母 元參

北沙參 懶牛膝 茜草炭 血餘炭 茅根汁

側柏葉汁 鮮荷葉汁 艾葉汁

詒按案方俱精潔不支

虛損門

○失血後欬嗽音啞氣升則欲欬乃醫虛不納也。

熟地 阿膠 麥冬 沙參 川貝

紫石英 元參 藕

再診 腎氣稍納上氣稍平但欬尚未止四支無力真陰與元氣虛而不復時當炎暑暑溼熱三氣交蒸虛體最易幻變保養爲上用景岳保陰煎

生地 熟地 天冬 麥冬 沙參 玉竹

川貝 五味子 紫石英 阿膠 東白芍

百合煎湯代水

詒接前方用紫石英以鎮納腎氣此方用百合以清保肺金此用藥諦當處學者宜留意焉

○歷春夏秋三季血證屢發診脈虛弱形容消瘦年方十七精未充而早泄陰失守而火升異日難名之疾恐犯補氏之戒治當滋水降火須自保養爲要

生地 阿膠蒲黃炒 薏草根 麥冬 丹皮炒山藥炒茯神

洋參 扁豆炒 莼肉 芽根 鮮藕

詒按案語擷古籍之華方亦清穩。

○先吐血而後欬逆喘急延及半載寒熱無序營衛兩虧舌色光紅陰精消涸不能右卧爲肺傷大便不實爲脾傷水落石出之時難免致劇。

北沙參

茯苓

扁豆

玉竹

五味子

金石斛

川貝

百合

麥冬

功勞葉

詒按上兩案均屬陰損已成之候調治不易奏效而此證大便不實難進清滋較前證更劇然用藥亦不過如此少年自愛者當慎之於早也。

○陽維爲病苦寒熱陰維爲病苦心痛陽維維於陽陽

氣弱則腹痛而便溏。陰維維於陰營，陰虛則心痛而舌紅也。脈微形瘦，陰陽並損，損及奇經，當以甘溫。

黃耆 桂枝 當歸 炙甘草 白芍 川貝

陳皮 砂仁 鹿角霜

再診 但寒不熱，便溏脈細，支體面目俱浮，悉屬陽虛見象，惟舌紅無苔，此屬陰傷之候，但口不乾渴，乃君火之色外露。治當引火歸元。

附桂八味丸 加鹿角霜 黨參 冬朮

詔按：論病貫串，認證真切，至用藥之淺深輕重，亦覺步步穩實。

○先後天俱不足。痰多鼻血。陰虧陽亢之徵。納少腹疼。  
本旺土衰之兆。是以年將及冠。猶如幼稚之形。面白無  
華。具見精神之乏。治先天當求精血之屬。培後天須參  
穀食之方。久久服之。庶有裨益。若一暴十寒。終無濟也。

六君子湯去半夏 加山藥 扁豆 砂仁

黑芝麻 蓮肉 陳梗米

右藥爲末。米飲湯調服。或白洋糖湯。棗子湯調服亦  
可。

又九精不足者。補之以味。當求精血之屬。治其腎也。

熟地 兔絲子 牛膝 白芍 龜板 杞子

山藥

五味子

當歸

杜仲

丹皮

黃柏

茯苓

鹿角膠

萸肉

天冬

澤瀉

右藥爲末用河車一具洗淨煮爛將藥末搗和爲丸

詒按煎丸兩方亦尋常調補之法好在培補先後

二天選藥精當一絲不雜

○左寸關搏指心肝之陽亢右脈小緊脾胃之虛寒是以腹中常痛而大便不實也病延四月身雖微熱是屬虛陽外越近增口舌碎痛亦屬虛火上炎津液消灼勞損何疑今商治法當以溫中爲主稍佐清上俾土厚則火歟金旺則水生古人有是論幸勿爲世俗拘也

黨參

於朮

茯苓

甘草

炮薑

五味子

麥冬

燈心

詒按此陰虧而虛火上炎之證也。方以理中合生脈法。溫中清上。兩面都到。所云土厚則火歛。金旺則水生。見理極精。非淺學所能學步。

○北門之籥得守。則陽氣固。坤土之陽得運。則溼濁化。溼濁化則津回。陽氣固則精守。所嫌肌肉盡削。夫肌肉猶城垣也。元氣猶主宰也。城垣傾頽。主宰窮困。是非大補元氣不可。

人參

熟地

萸肉

杞子

杜仲

炙草

歸身

山藥

茯神

於芷

陳皮

麥冬

半夏

旋荳

穀芽

炒

詒按案語精切。○此六君合景岳大補元煎之方也。脾腎兩虛，用以填補，則可。特嫌少靈光耳。

○脾腎兩虛而溼熱又甚，雖腰疼、夢泄、自汗、盜汗而口膩味甜，大便溏薄，腎陰虛而不充，脾陽困而不振，進求治法，祇可先運脾陽。

茅丸

炒黑  
乾薑

熟地

山藥

五味

牡蠣

黨參

茯神

棗仁

浮麥

紅棗

詒按此黑地黃丸加味，確合脾腎兩補之法。○方

中乾薑宜炮黑用

再診 温運脾陽補攝腎陰倣繆仲醗雙補丸法

茅朮製炮薑 牡蠣 黨參 茯苓 補骨脂

熟地 杜仲 山藥 首烏製浮麥 五味子

紅棗

三診 脾陽稍復，腎陰仍弱，節交夏至，陽盛陰衰之候。  
大劑養陰以迎一陰來復，兼化溼熱以調時令之氣。

熟地 生地 黨參 冬朮 茅朮製黃柏<sub>炒鹽水</sub>

茯神 麥冬 五味 牡礪 龍骨 杜仲

消證闕

○脈沉細數濶血虛氣鬱經事之不來宜也。夫五志鬱極皆從火化。飢而善食。小水澄脚如臘。三消之漸匪伊朝夕。然胸痛吐酸。肝鬱無疑。肝爲風藏。鬱甚則生蟲。從風化也。姑擬一方。平中見奇。

川連

一錢  
黃芩

麥冬

三錢  
甘草

蛤殼

五錢  
建蘭葉

錢

鮮棟樹根皮

洗一兩

詒按病屬陰虛火旺。案中生蟲一層未免蛇足。

再診服藥後大便之堅且難者化溏糞而易出原屬

苦泄之功然脈仍數濶究屬血虛而兼鬱熱鬱熱日甚

藏陰日鍊舌紅而碎口渴消飲所由來也月事不至血

日乾而火日熾。頭眩目花。帶下皆陰虛陽亢之見證。補藏陰爲治本之緩圖。清鬱熱乃救陰之先着。轉輒思維寓清泄於通補之中。其或有濟耶。所慮病根深固。未易奏績耳。

川連 黃芩 黑梔 生地 當歸 阿膠

川芎 白芍 建蘭葉

另大黃麌蟲丸。每早晚服五丸。

詒按。寓清於補。恰合病機。

三診。諸恙皆減。惟內熱未退。帶下未止。經事未通。仍以前方增損。

川連

當歸

洋參

白芍

女貞子

茯苓

生地

麥冬

丹參

沙苑

四診 經云二陽之病發心脾不得隱曲。女子不月其傳爲風消。風消者火盛而生風渴飲而消水也。先輩謂三消爲火疾。久而不已必發癰疽。余屢用涼血清火之藥。職此故也。自六七月間足跗生疽之後所患消證又稍加重。其陰愈傷其火愈熾。今胸中如燔牙痛齒落。陽明之火爲劇考陽明之氣血兩燔者葉氏每用玉女煎姑倣之。

鮮生地

石膏

知母

元參

牛膝

川連

大生地 天冬 麥冬 茢苓 甘草 批杷葉

詒按此亦消渴門中應有之證不可不知

○一水不能勝五火。火氣燔灼而成三消。上渴中飢下則溲多。形體消削。常怕熱。稊齡犯此。先天不足故也。生地 北沙參 知母 花粉 石膏 甘草

麥冬 五味子 牡蠣 茢苓 川連

詒按稊年患此。多在炎暑之時。其證有兼見風痙煩躁者。余嘗以此法。參用涼肝之品。以黃芩薄煎湯代水。頗有效驗。

○血虛而有瘀氣虛而有滯血虛則心跳血瘀則少腹  
結塊且多淋帶氣虛故無力氣滯故胸脹滿也補而化  
之調而理之

黨參

川芎

茯神

陳皮

川斷

歸身

香附

白芍

木香

砂仁

玫瑰花

詒按補而不滯暢而不尅此之謂調理此等方看似尋常其實頗費斟酌

○營虛氣鬱營虛則內熱氣鬱則脘脹法以養營舒鬱

丹參

香附

川貝

茯苓

歸身

棗仁

陳皮

牛膝

首烏

續斷

砂仁

紅棗

詒按此虛實互治之法

○心胸覺冷。經事數月一來。食入則腹中脹痛。寒痰氣鬱凝滯不通。當以辛溫宣暢。遵熟料五積意。

半夏 茯苓 桂枝 蒼朮 白芍 川芎 丹參

歸身 川朴 甘草 陳皮 枳殼 良薑

詒按此照五積原方去麻桔芷。加丹參。用藥極其熨帖。

再診 苦辛溫通之劑能調經散痞。用之而效。益信古人言不妄發。法不妄立。在用者何如耳。

前方去良薑加茺蔚子 砂仁